

四庫全書

經部

欽定四庫全書

春秋五禮例宗卷四

宋 張大亨 撰

附

卷四

11-1-0



春秋五禮例宗卷四

欽定四庫全書

春秋五禮例宗卷五

宋 張大亨 撰

關







春秋五禮例宗卷五

欽定四庫全書

春秋五禮例宗卷六

宋 張大亨 撰

關





春秋五禮例宗卷六

欽定四庫全書

春秋五禮例宗卷七

宋 張大亨 撰

軍禮四

蒐狩

天王

僖二十八年冬天王狩于河陽

內

桓四年正月公狩于郎

七年春二月己亥焚咸丘

莊四年冬公及齊人狩于禚

昭八年秋蒐于紅

十一年五月大蒐于比蒲

二十二年春大蒐于昌間

定十三年夏大蒐于比蒲

十四年秋大蒐于比蒲

哀十四年春西狩獲麟

春曰蒐夏曰苗秋曰獮冬曰狩經書蒐狩而不及苗獮則以苗獮皆如蒐田之法故耳且四時之田莫先於蒐莫備於狩於是焉有失則書之其餘雖失未足道也猶之四時之祭獨舉烝嘗則以春夏物不備雖有失焉未害於禮之成也凡禮以其常舉之則无小大之異其曰大者皆越具常者也

城墮

附



內

隱七年夏城中丘

九年夏城郎

桓五年夏城祝丘

十六年冬城向

莊二十九年城諸及防

文七年春公伐邾城須句遂城郛

十二年冬季孫行父帥師城諸及郛

宣八年冬十月城平陽

成四年冬城鄆

九年十一月城中城

襄七年夏四月城費

十二年冬城防

十五年夏季孫宿叔孫豹帥師城成郛

十九年冬城西郛

城武城

定六年冬城中城

十二年夏叔孫州仇帥師墮費

季孫斯仲孫何忌帥師墮費

十四年秋城莒父及霄

十五年冬城漆

哀三年五月季孫斯叔孫州仇帥師城啓陽

四年夏城西郭

五年春城毗

六年春城邾瑕

外

莊三十二年春城小穀

僖元年夏六月邢遷于夷儀齊師宋師曹師城邢

二年春正月城楚丘

十四年春諸侯城緣陵

襄二年冬仲孫蔑會晉荀偃齊崔杼宋華元衛孫林

父曹人邾人滕人薛人小邾人于戚遂城虎牢

二十九年夏仲孫羯會晉荀盈齊高止宋華元衛  
世叔儀鄭公孫段曹人莒人邾人滕人薛人小邾  
人城杞

昭三十二年冬仲孫何忌會晉韓不信齊高張宋仲  
几衛世叔申鄭國參曹人莒人薛人杞人小邾人  
城成周

興築

附毀

莊九年冬浚洙

二十八年冬築郿

二十九年春新延廡

三十一年春築臺于卽

夏四月築臺于薛

秋築臺于秦

僖二十年春新作南門

文十六年八月毀泉臺

成十八年秋築鹿囿

昭九年冬築郎園

定二年冬新作雉門及兩觀

十三年夏築蛇淵園

左氏曰凡邑有宗廟先君之主曰都無曰邑邑曰築都  
曰城穀梁曰城為保民為之也民衆城小則益城益城  
無極凡城之志皆譏也夫城有二有增舊而城之者有  
作都邑而城之者今日益城無極則是特論增城者耳  
詩稱王命南仲往城于方易稱王公設險以守其國而

大司馬之屬以時脩城郭之固則城者先王所不廢特  
以為不恃此以保民則可矣故傳稱言不戒城惡而致  
潰也城圉築而後成故亦謂之築而築不作以盡城之  
義蓋曰城則有厲禁封守之法焉若以為都邑之辨則  
作邑于豐既成洛邑非無宗廟者也凡土功龍見而戒  
事火見而致用水昏正而裁日至而畢過亦書



春秋五禮例宗卷七

欽定四庫全書

經部

春秋五禮例宗卷八

十

詳校官監察御史

臣徐如澍

給事中

臣溫常綬覆勘

總校官編修

臣倉聖脉

校對官中書

臣秦

泉

謄錄監生

臣

呂爾禧

欽定四庫全書

春秋五禮例宗卷八

宋 張大亨 撰

賓禮上

朝

朝王

僖二十八年五月癸丑公會晉侯齊侯宋公蔡侯鄭伯衛子莒子盟于踐土公朝于王所冬天王狩于

河陽壬申諸侯朝于王所

來朝

隱十一年春滕侯薛侯來朝

桓二年春正月滕子來朝

秋七月紀侯來朝

左作紀

六年冬紀侯來朝

七年夏穀伯綏來朝鄧侯吳離來朝

九年冬曹伯使其世子射姑來朝

十五年夏邾人牟人葛人來朝

莊五年秋郎黎來來朝

二十三年公及齊侯遇于穀蕭叔朝公

二十七年冬杞伯來朝

僖七年夏小邾子來朝

二十年夏郕子來朝

二十七年春杞子來朝

秋滕子來朝

十一年秋曹伯來朝

十五年夏曹伯來朝

宣元年秋邾子來朝

成四年三月杞伯來朝

六年夏六月邾子來朝

七年夏五月曹伯來朝

十八年秋杞伯來朝

八月邾子來朝

襄元年九月邾子來朝

六年秋滕子來朝

七年春郟子來朝

夏四月小邾子來朝

二十一年冬十月曹伯來朝

二十八年夏邾子來朝

昭三年秋小邾子來朝

十七年春小邾子來朝

秋郊子來朝

定十五年正月邾子來朝

哀二年夏四月滕子來朝

凡諸侯見天子謂之朝亦謂之覲曲禮曰天子當依而立諸侯北面而見曰覲天子當宁而立諸公東面諸侯西面曰朝鄭氏謂朝受摯於朝受享於廟而覲則一受於廟大宗伯曰春見曰朝夏見曰宗秋見曰覲冬見曰遇由曲禮言之則朝覲之別以位由宗伯則朝覲之別



以時然書稱歲二月東巡守至於岱宗肆覲東后又曰  
五載一巡守羣后四朝則朝覲不必以時為別明堂位  
稱周公朝諸侯天子負扆而立則朝覲不必以位為別  
覲禮稱諸侯前朝則朝覲亦為通稱明矣論語謂子退  
朝則臣朝具君者也大行人謂使諸侯世相朝則諸侯  
交相見者也夫諸侯交相見而以臣朝其君之名名之  
所以崇敬讓相親睦之道也諸侯以君道臨人則可以  
受人之朝而不為僭敵國以敬讓相下雖朝人之國而

不為屈如是則庶邦睦而王室寧矣春秋之時小國則朝大國則否故經所書朝事不一皆以小事大之禮也

叔向曰明王之制間朝以講禮

謂三歲也

而子太叔云五歲

一朝與行人之法固異左氏獨以子太叔為正必有據依然考於書成王命諸侯六年五服一朝又六年王乃時巡各朝於方岳以諸侯朝王且猶六歲則間於天子之事而相朝宜不能數於此然則世相朝殆先王之制矣

凡諸侯朝王，大行人逆勞於畿，至於郊。王人勞之，至於國。天子館之前朝，皆受舍於朝。同姓西面，而異姓東面。朝之日，致命以玉。享以幣。馬既而退，聽事於廟門之左。天子命之歸勞，具來乃出。於是申以車服之賜，重以享宴之好，且為壇於國門之外，以待會盟而令事焉。諸侯自相朝之禮雖亡，然司儀掌客略具其文，而其實則猶見於春秋。故傳稱齊侯如晉，晉士鞅逆諸河。魯昭公如晉，自郊勞至於贈賄，無失禮。則亦逆勞贈好之禮也。子

產謂晉文公卑宮室而大諸侯之館則亦館之禮也邾  
隱公來朝執玉高定公受玉卑則亦致命以玉之禮也  
鄭伯如晉壞垣以納車馬曰無所藏幣則亦享以幣馬  
之禮也隱公謂滕薛曰周之宗盟異姓為後則亦辨姓  
之禮也曹伯如晉受正魯襄公如晉聽政則亦聽事之  
禮也晉侯享諸侯鄭伯辭享則亦享宴之禮也鄭伯如  
楚舍而不壇則亦為壇之禮也夫為壇乃天子所以令  
諸侯之制春秋以小朝大則亦受其令也然則春秋諸

侯相朝殆與覲禮等乎

聘

王聘

隱七年冬天王使凡伯來聘

九年春天王使南季來聘

桓四年夏天王使宰渠伯糾來聘

五年夏天王使仍叔之子來聘

八年冬天王使冢父來聘

莊二十三年祭叔來聘

僖三十年冬天王使宰周公來聘

宣十年秋天王使王季子來聘

外聘

隱七年夏齊侯使其弟年來聘

桓三年冬齊侯使其弟年來聘

莊二十三年夏荊人來聘

二十五年春陳侯使女叔來聘

僖三十三年二月齊侯使國歸父來聘

文四年秋衛侯使甯俞來聘

九年冬楚子使椒來聘

十二年秋秦伯使術來聘

宣十年齊侯使國佐來聘

成四年春宋公使華元來聘

八年春宋公使華元來聘

冬十月晉侯使士燮來聘

十八年夏晉侯使士匄來聘

襄元年冬衛侯使公孫剽來聘

晉侯使荀躒來聘

五年夏鄭伯使公子發來聘

八年冬晉侯使士匄來聘

十二年夏晉侯使士魴來聘

二十六年夏晉侯使荀吳來聘

二十七年春齊侯使慶封來聘



二十九年夏五月晉侯使士鞅來聘

吳子使札來聘

三十年春正月楚子使薳罷來聘

昭二年春晉侯使韓起來聘

十二年夏宋公使華定來聘

二十一年夏晉侯使士鞅來聘

曲禮曰諸侯使人問於諸侯曰聘而大行人稱時聘以結諸侯之好典瑞稱主璋以覲聘則天子使人問諸侯

亦謂之聘王制稱諸侯之於天子比年一小聘三年一大聘則諸侯使人問於天子亦謂之聘穀梁曰聘諸侯非正誤矣

叔向謂明王之制歲聘以志業而子太叔稱晉文之伯也令諸侯三歲而聘攷於禮經時聘無數然則苟以事行焉可也春秋之時伯者制其數䟽故合諸侯以令朝聘之數然魯襄昭之間使介不通於齊者凡二十年則其䟽數不足証也

周之舊制卿大夫出聘略見於司儀掌客之職而具於聘禮凡使介之來入境則卿逆而勞之至於朝則致館既入則受於廟致命則以圭入享則以幣私覲則以錦加以勞問申以享宴好以貨賄所以交隣國之道也春秋之時略有其實故傳稱季武子聘于宋褚師段逆之以受享叔弓聘于晉晉侯使郊勞辭使致館又辭秦西乞術來聘襄仲辭玉國莊子來聘自郊勞至於贈賄禮成而加之以敏晉士鞅來聘季孫使饋七牢而享宴之

禮則無國無之雖未盡合於古乃有先王之遺制焉  
來

獨稱來

如以來一見外如至門及  
以來一來遂逆后一見昏門

隱元年十二月祭伯來

閔元年冬齊仲孫來

僖二十九年春介葛盧來

冬介葛盧來

襄十八年春白狄來

凡書來有來朝有來聘然不以朝聘名之謂其禮不成也

來錫

莊元年冬十月王使榮叔來錫桓公命

文元年夏四月天王使毛伯來錫公命

成八年秋七月天子使召伯來錫公命

來求歸

來歸田邑二見取門來歸喪具見喪

見本門

桓十五年春二月天王使冢父來求車

莊六年冬齊人來歸衛俘

文九年春毛伯來求金

會

夫人

及公會一  
見諸侯門

莊二年冬十一月夫人姜氏會齊侯于禚

七年春夫人姜氏會齊侯于防

冬夫人姜氏會齊侯于穀

僖十七年秋夫人姜氏會齊侯于卞

內女

莊二十七年春公會杞伯姬于洮

諸侯

隱二年春公會戎于潛

九年公會齊侯于防

十年二月公會齊侯鄭伯于中丘

十一年夏公會鄭伯于時來

桓元年三月公會鄭伯于垂

二年七月蔡侯鄭伯會于鄧

三年正月公會齊侯于贏

夏六月公會杞侯于郕

六年四月公會紀侯于成

十年秋公會衛侯于桃丘弗遇

十一年秋公會宋公于夫鍾

冬十二月公會宋公于闕



十二年八月公會宋公于虛

冬十一月公會宋公于龜

十四年正月公會鄭伯于曹

十五年夏公會齊侯于艾

十六年春正月公會宋公衛侯蔡侯于曹

十八年正月公會齊侯于濼

莊十三年春齊侯宋人陳人蔡人邾人會于北杏

十四年冬單伯會齊侯宋公衛侯鄭伯于鄆

十五年春齊侯宋公陳侯衛侯鄭伯會於鄆

二十七年冬公會齊侯于城濮

僖元年八月公會齊侯宋公鄭伯曹伯邾人于榿

三年秋齊侯宋公江人黃人會于陽穀

十一年夏公及夫人姜氏會齊侯于陽穀

十三年公會齊侯宋公陳侯衛侯鄭伯許男曹伯

于鹹

十六年冬十二月公會齊侯宋公陳侯衛侯鄭伯

許男邢侯曹伯于淮

二十一年秋宋公楚子陳侯蔡侯鄭伯許男曹伯會于孟

二十八年冬十二月會齊侯宋公陳侯衛侯鄭伯邾子秦人于溫

文十三年冬公如晉衛侯會公于沓冬十二月己丑公及晉侯盟還自晉鄭伯會公于渠

十七年六月諸侯會于扈

宣元年夏公會齊侯于平州

七年冬公會晉侯宋公衛侯鄭伯曹伯于黑壤

九年秋九月晉侯宋公衛侯鄭伯會于扈

十一年秋晉侯會狄于攢函

成十二年夏公會晉侯衛侯于瑣澤

十六年秋公會晉侯齊侯衛侯宋華元邾人于沙

隨不見公

襄五年秋公會晉侯宋公陳侯衛侯鄭伯曹伯莒子

邾子滕子薛伯齊世子光吳人鄫人于戚

七年十二月公會晉侯宋公陳侯衛侯曹伯莒子  
邾子于鄆鄭伯髡頑如會未見諸侯丙戌卒于鄆  
陳侯逃歸

十年春公會晉侯宋公衛侯曹伯莒子邾子滕子  
薛伯杞伯小邾子齊世子光會吳于柤

二十一年冬公會晉侯齊侯宋公衛侯鄭伯曹伯  
莒子邾子于商任

二十二年冬公會晉侯齊侯宋公衛侯曹伯莒子  
邾子滕子薛伯杞伯小邾子于沙隨

二十四年秋八月公會晉侯宋公衛侯鄭伯曹伯  
莒子邾子滕子薛伯杞伯小邾子于夷儀

昭四年夏楚子蔡侯陳侯鄭伯許男徐子滕子頓子

胡子沈子小邾子宋世子佐淮夷會于申

楚人執徐子

定八年夏公會晉師于瓦

十年夏公會齊侯于夾谷

冬齊侯衛侯鄭游速會于安甫

十四年夏五月公會齊侯衛侯于牽

秋齊侯宋公會于洮

大蒐于比蒲邾子來會公

哀七年夏公會吳于鄆

十一年夏公會吳于橐臯

秋公會衛侯宋臯瑗于鄆

十三年夏公會晉侯及吳子于黃池

大夫

會救災一  
見災門

文元年秋公孫敖會晉侯于戚

十一年夏叔彭生會晉卻缺于承匡

宣十一年冬公孫歸父會齊侯于穀

十五年春公孫歸父會楚子于宋

秋仲孫蔑會齊高固于無婁

成五年夏叔孫僑如會晉荀首于穀

十五年十月叔孫僑如會晉士燮齊高元咎宋華



元衛孫林父鄭公子魋邾人會吳于鍾離

襄二年秋七月仲孫蔑會晉荀瑩宋華元衛孫林父  
曹人邾人于戚冬仲孫蔑會晉荀瑩齊崔杼宋華  
元衛孫林父曹人邾人滕人薛人小邾人于戚  
五年夏仲孫蔑衛孫林父會吳于善

八年春公如晉夏季孫宿會晉侯鄭伯齊人宋人  
衛人邾人于邢丘

十四年正月季孫宿叔老會晉士匄齊人宋人衛

人鄭公孫蠆曹人莒人邾人滕人薛人杞人小邾  
人會吳于向

冬季孫宿會晉士臼宋華閱衛孫林父鄭公孫蠆  
莒人邾人于戚

十九年冬叔孫豹會晉士臼于柯

二十六年公會晉人鄭良霄宋人曹人于澶淵

昭元年春叔孫豹會晉趙武楚公子圍齊國弱宋向  
戌衛齊惡陳公子招蔡公孫歸生鄭罕虎許人曹

人于號

九年春叔弓會楚子于陳

十一年秋季孫意如會晉韓起齊國弱宋華亥衛北宮佗鄭罕虎曹人杞人于厥慙

十五年夏叔詣會晉趙鞅宋樂大心衛北宮喜鄭游吉曹人邾人滕人薛人小邾人于黃父

二十一年秋晉士鞅宋樂祁犁衛北宮喜曹人邾人滕人會于扈

三十一年春季孫意如會晉荀躒于適歷

哀六年夏叔還會吳于祖

傳稱楚子合諸侯于申問禮于宋左師鄭子產左師獻  
公合諸侯之禮六子產獻伯子男會公之禮六子服景  
伯曰王合諸侯則伯帥侯牧以見于王伯合諸侯則侯  
帥子男以見於伯然則王伯合諸侯之禮不同今皆無  
之惟宗伯稱時會而司儀掌客略具其儀耳節則未之  
詳也叔向以為明王之制再朝而會以示威將會而盟

以顯昭明然則六歲一會矣以宗伯言之時會無數則非有䟽數苟以事行焉可也春秋之時朝聘會盟皆出強國之令久而未至則徵之亦未必有其節也

周官國君命數以次而殺其別有五其節惟三公為上侯伯為次子男為下若春秋之時則伯子男合而為一故子產謂鄭伯男也而共公侯之貢孟子論周室班爵祿則又曰公一位侯一位伯一位子男同一位與周官春秋雖不合然五等之高下固自若也先王以是稱諸

侯之功而定其班列及其衰也強者并而五伯興中國  
不競則又擅於夷狄文武所獲大封皆威而服焉春秋  
所書班列之次率不與先王合或主兵或主會或主謀  
則雖小國有在大國之上者矣或為伯所升或為伯所  
黜則雖大侯有在子男之下者矣叔孫曰宋衛吾匹也  
又曰諸侯之會寡君未嘗後衛君則魯之班先衛而下  
宋矣傳曰周之宗盟異姓為後而子魚所稱踐土之盟  
齊宋皆下諸姬則魯之班又當在宋上矣然春秋以魯

為主故凡公會諸侯不復以班皆為之冠若外諸侯則同姓亦宜為異姓之先而經不然者蓋當時先後實以強弱為之次聖人不皆正焉所以示其非也如踐土之盟子魚所稱亦與經不合豈當時載者與諸國所紀異其文哉豈聖人惡其文之正而實之違哉

禮諸侯世子誓於天子攝其君則下其君之禮一等未誓則以皮帛繼子男而春秋所書諸侯世子或在國君上下一出於伯者所令而已矣諸公之孤其命數亦視

子男侯伯之卿下孤一等子男之卿下侯伯一等臧宣  
叔曰次國之君當大國之中中當其上下當其上大夫  
小國之上卿當大國之下卿中當其上大夫下當其下  
大夫古之制也叔孫婼又謂周制列國之卿當小國之  
君而左氏亦云卿不會公侯會伯子男可也按列國之  
卿與天子之元士皆三命元士受地則得視子男而列  
卿則無視子男之禮其曰當小國之君未之詳也周官  
有卿而無上大夫則上大夫謂卿也今宣叔之言則諸



侯之國既有卿又有上大夫列國之大夫固足以當小國之卿而其所謂上下次大之節禮無其文春秋所書卿大夫之次徒以國之強弱班焉未必皆古制也惟魯大夫出會則雖公侯亦在其下此與魯君先諸侯同義若外大夫與國君相當則或上或下各因所書之實以示義則其班亦不可得而考也

盟

諸侯

盟而會一  
見會門

隱元年三月公及邾儀父盟于蔑

二年八月庚辰公及戎盟于唐

十年紀子帛莒子盟于密

二年冬十二月齊侯鄭伯盟于石門

六年夏五月辛酉公會齊侯盟于艾

八年秋七月庚午宋公齊侯衛侯盟于瓦屋

桓元年夏四月公及鄭伯盟于越

二年公及戎盟于唐

十二年夏六月壬寅公會杞侯莒子盟于曲池

秋七月丁亥公會宋公燕人盟于穀丘

冬十一月丙戌公會鄭伯盟于武父

十七年春正月丙辰公會齊侯紀侯盟于黃

二月丙午公及邾儀父盟于趯

莊十三年冬會齊侯盟于柯

十六年冬十有二月會齊侯宋公陳侯衛侯鄭伯

許男滑伯滕子同盟于幽

二十三年十有二月甲寅公會齊侯盟于扈

二十七年夏六月公會齊侯宋公陳侯鄭伯同盟

于幽

閔元年秋八月公及齊侯盟于落姑

僖二年秋九月齊侯宋公江人黃人盟于貫

五年夏公及齊侯宋公陳侯衛侯鄭伯許男曹伯

會王世子于首丘秋八月諸侯盟于首止鄭伯逃

歸不盟

七年秋七月公會齊侯宋公陳世子款鄭世子華  
盟于甯母

八年春王正月公會王人齊侯宋公衛侯許男曹  
伯陳世子款盟于洮鄭伯乞盟

九年夏公會宰周公齊侯宋子衛侯鄭伯許男曹  
伯于葵丘九月戊辰諸侯盟于葵丘

十五年三月公會齊侯宋公陳侯衛侯鄭伯許男  
曹伯盟于北丘遂至于匡公孫敖帥師及諸侯之

大夫救徐

十九年夏六月宋公曹人邾人盟于曹南鄆子會盟于邾己酉邾人執鄆子用之

二十一年秋宋公楚子陳侯蔡侯鄭伯許男曹伯會于孟執宋公以伐宋十二月癸丑公會諸侯盟于薄釋宋公

二十五年十二月癸亥公會衛子莒慶盟于洮  
二十六年正月己未公會莒子衛甯速盟于向

二十七年冬楚人陳侯蔡侯鄭伯許男圍宋十二月甲戌公會諸侯盟于宋

二十八年五月癸丑公會晉侯齊侯宋公蔡侯鄭伯衛子莒子盟于踐土陳侯如會

文三年冬公如晉十二月己巳公及晉侯盟

十三年冬公如晉十有二月己丑公及晉侯盟

十四年六月公會宋公陳侯衛侯鄭伯許男曹伯

晉趙盾癸酉同盟于新城

十五年冬十有一月諸侯盟于扈

十七年四月齊侯伐我西鄙六月癸未公及齊侯

盟于穀

宣十一年夏楚子陳侯鄭伯盟于辰陵

十七年六月己未公會晉侯衛侯曹伯邾子同盟

于斷道

成五年十二月己丑公會晉侯齊侯宋公衛侯鄭伯

曹伯邾子杞伯同盟于盩



七年秋公會晉侯齊侯宋公衛侯曹伯莒子邾子  
杞伯救鄭八月戊辰同盟于馬陵

九年正月公會晉侯齊侯宋公衛侯鄭伯曹伯莒  
子杞伯同盟于蒲

十五年三月癸丑公會晉侯衛侯鄭伯曹伯宋世  
子成齊國佐邾人同盟于戚

十七年夏公會丑子單子晉侯齊侯宋公衛侯曹  
伯邾人伐鄭六月乙酉同盟于柯陵

襄三年公如晉夏四月壬戌公及晉侯盟于長檮

六月公會單子晉侯宋公衛侯鄭伯莒子邾子齊世子光乙未同盟于雞澤陳侯使袁僑如會戊寅叔孫豹及諸侯之大夫及陳玄僑盟

九年冬公會晉侯宋公衛侯曹伯莒子邾子滕子薛伯小邾子齊世子光伐鄭十二月己亥同盟于戲

十一年夏四月公會晉侯宋公衛侯曹伯齊世子

光莒子邾子滕子薛伯杞伯小邾子伐鄭秋七月  
己未同盟于亳城北

十八年冬十月公會晉侯宋公衛侯鄭伯曹伯莒  
子邾子滕子薛伯杞子小邾子同圍齊

十九年春王正月諸侯盟于祝柯

二十年夏六月庚申公會晉侯齊侯宋公衛侯鄭  
伯曹伯莒子邾子滕子薛伯杞伯小邾子盟于澶  
淵

二十五年五月公會晉侯宋公衛侯鄭伯曹伯莒  
子邾子滕子薛伯杞伯小邾子于夷儀秋八月己  
巳同盟于重丘

昭十三年秋公會劉子晉侯齊侯宋公衛侯鄭伯曹  
伯莒子邾子滕子薛伯杞伯小邾子于平丘八月  
甲戌同盟于平丘公不與盟

二十六年秋公會齊侯莒子邾子杞伯盟于鄆陵  
定四年三月公會劉子晉侯宋公蔡侯衛侯陳子鄭

伯許男曹伯莒子邾子頤子胡子滕子薛伯杞伯  
小邾子齊國夏于召陵侵楚五月公及諸侯盟于  
臯鼫

七年秋齊侯鄭伯盟于鹹

齊侯衛侯盟于沙

八年冬衛侯鄭伯盟于曲濮

十二年冬十月癸亥公會齊侯盟于黃

大夫

隱元年九月及宋人盟于宿

八年九月辛卯公及莒人盟于浮來

桓十一年春正月齊人衛人鄭人盟于惡曹

九月柔會宋公陳侯蔡侯盟于析

莊九年春公及齊大夫盟于訇

十九年秋公子結媵陳人之婦于鄆遂及齊侯宋

公盟

二十二年秋七月丙申及齊高傒盟于防

僖十九年冬會陳人蔡人楚人鄭人盟于齊

二十年秋齊人狄人盟于邢

二十一年春宋人齊人楚人盟于鹿上

二十九年夏會王人晉人宋人齊人陳人蔡人秦人盟于翟泉

三十二年夏衛人侵狄秋衛人及狄盟

文二年三月乙巳及晉處父盟

夏六月公孫敖會宋公陳侯鄭伯晉士穀盟于垂

隴

七年秋八月公會諸侯晉大夫盟于扈

八年冬十月壬午公子遂會晉趙盾盟于衡雍乙酉公子遂會雒戎盟于暴

十年及蘓子盟于女栗

十六年春季孫行父會齊侯于陽穀齊侯弗及盟  
六月戊辰公子遂及齊侯盟于鄆丘

宣十二年晉人宋人衛人曹人同盟于清丘



成元年夏臧孫許及晉侯盟于赤棘

二年六月癸酉季孫行父臧孫許叔孫僑如公孫  
嬰齊帥師會晉卻克衛孫良夫曹公子首及齊侯  
戰于鞏齊師敗績秋七月齊侯使國佐如師己酉  
及國佐盟于袤婁

十一月公會楚公子嬰齊于蜀丙申公及楚人秦  
人陳人宋人衛人鄭人齊人曹人邾人薛人鄆人  
盟于蜀

三年十一月晉侯使荀庚來聘衛侯使孫良夫來聘丙午及荀庚盟丁未及孫良夫盟

十一年三月晉侯使卻犇來聘己丑及卻犇盟

十六年十二月乙丑季孫行父及晉卻犇盟于扈十八年十二月仲孫蔑會晉侯宋公衛侯邾子齊崔杼同盟于虛打

襄三年六月戊寅叔孫豹及諸侯之大夫及陳袁僑盟

七年冬十月衛侯使孫林父來聘壬戌及孫林父盟

十五年春宋公使向戌來聘二月己亥及向戌盟于劉

十六年三月公會晉侯宋公衛侯鄭伯曹伯莒子邾子薛伯杞伯小邾子于溴梁戊寅大夫盟

二十年正月辛亥仲孫速會莒人盟于向

二十七年夏叔孫豹會晉趙武楚屈建蔡公孫歸

生衛石惡陳孔奐鄭良霄許人曹人于宋秋七月  
辛巳豹及諸侯之大夫盟于宋

昭十一年五月仲孫矍會邾子盟于祿禚

定三年冬仲孫何忌及邾子盟于拔

哀二年春王二月季孫斯叔孫州仇仲孫何忌帥師  
伐邾取鄆東田及沂西田癸巳叔孫州仇仲孫何  
忌及邾子盟于句繹

來盟

桓十四年春正月公會鄭伯于曹夏五

闕文

鄭伯使其

弟語來盟

閔二年冬齊高子來盟

僖四年正月公會齊侯宋公陳侯衛侯鄭伯許男曹

伯侵蔡蔡潰遂伐楚次于陘夏楚屈完來盟于師

盟于召陵

文十五年三月宋司馬華孫來盟

宣七年春衛侯使孫良夫來盟

襄二十九年五月杞子來盟

涖盟

僖三年秋齊侯宋公江人黃人會于陽穀冬公子友

如齊涖盟

文七年冬徐伐莒公孫敖如莒涖盟

昭七年正月暨齊平三月叔孫婁如齊涖盟

定十一年冬及鄭平叔還如鄭涖盟

古者天子巡守諸侯入朝王皆為壇於國門之外加方

明焉天子祀之蓋以為盟尸也先王躬誠明之德以臨下人孰不信而必有事乎齊盟者蓋在我者可以質諸鬼神而不疑然後可以責人之信已且在我可任而在人者不可保故也殺牲而軟其血以示信之由衷珠槃玉敦以奉之以示意之精純載書以示言之可復雖然不先以德則神弗聽而誠弗固凡春秋之盟是也然以齊桓之德葵丘之會猶能使諸侯束牲載書而不軟血則先王躬誠明以涖之可知矣經有同盟者杜氏謂異

服也有泣盟者穀梁謂外前定之詞也有來盟者穀梁謂內前定之詞也

胥命

桓三年夏齊侯衛侯胥命于蒲

春秋五禮例宗卷八



欽定四庫全書

春秋五禮例宗卷九

宋 張大亨 撰

賓禮下

遇

隱四年夏公及宋公遇于清

八年春宋公衛侯遇于垂

莊四年夏齊侯陳侯鄭伯遇于垂

二十三年夏公及齊侯遇于穀

三十年冬公及齊侯遇于魯濟

三十二年夏宋公齊侯遇于梁丘

公穀皆謂遇者不期而會也宗伯曰冬見曰遇鄭氏亦云欲若不期而至者國風野有蔓草男女思不期而會之詩也曰邂逅相遇則遇為不期審矣而穀梁又曰志相得也豈以无不同之可會无不協之可盟者乎

如至

公

隱五年春公觀魚于棠

桓二年九月公及戎盟于唐

冬公至自唐

十六年四月公會宋公衛侯陳侯蔡侯伐鄭

秋七月公至自伐鄭

十八年春王正月公會齊侯于濞公與夫人姜氏

遂如齊

莊五年冬公會齊人宋人陳人蔡人伐衛

六年秋公至自伐衛

二十二年冬公如齊納幣

二十三年春公至自齊

二十三年夏公如齊觀社

二十六年公伐戎

夏公至自伐戎

僖四年春王正月公會齊侯宋公陳侯衛侯鄭伯許

男曹伯侵蔡蔡潰遂伐楚次于陘盟于召陵

秋及江人黃人伐陳

八月公至自伐楚

六年夏公會齊侯宋公陳侯衛侯曹伯伐鄭秋楚人圍許諸侯遂救許

冬公至自伐鄭

十年春王正月公如齊

十五年王正月公如齊三月公會齊侯宋公陳侯

衛侯鄭伯許男曹伯盟于牡丘遂次于匡公孫敖帥師及諸侯之大夫救徐

十六年冬十二月公會齊侯宋公陳侯衛侯鄭伯許男邢侯曹伯于淮

十七年九月公至自會

二十六年冬公以楚師伐齊取穀

公至自伐齊

二十八年冬公會晉侯齊侯宋公蔡侯鄭伯陳子

莒子邾子秦人于溫諸侯遂圍許

二十九年春公至自圍許

三十三年冬十月公如齊

十有二月公至自齊

文三年冬公如晉十二月公及晉侯盟

四年春公至自晉

十三年冬公如晉十有二月己丑公及晉侯盟

公還自晉鄭伯會公于棐

十四年春王正月公至自晉

十四年六月公會宋公陳侯衛侯鄭伯許男曹伯  
晉趙盾癸酉同盟于新城

秋七月公至自會

十七年六月癸未公及齊侯盟于穀諸侯會于扈  
秋七月公至自穀

宣四年秋公如齊

公至自齊



五年春公如齊

夏公至自齊

七年夏公會齊侯伐萊

秋公至自伐萊

冬公會晉侯衛侯鄭伯曹伯于黑壤

八年春公至自會

九年春王正月公如齊

公至自齊

十年春公如齊

公至自齊

十七年六月己未公會晉侯衛侯曹伯邾子同盟

于斷道

秋公至自會

成三年春王正月公會晉侯宋公衛侯曹伯伐鄭

二月公至自伐鄭

夏公如晉

公至自晉

四年四月公如晉

秋公至自晉

五年十二月己丑公會晉侯齊侯宋公衛侯鄭伯  
曹伯邾子杞伯同盟于蟲牢

六年春王正月公至自會

七年秋公會晉侯齊侯宋公衛侯曹伯莒子邾子  
杞伯救鄭八月戊辰同盟于馬陵

公至自會

九年春王正月公會晉侯齊侯宋公衛侯鄭伯曹伯莒子杞伯同盟于蒲

公至自會

十年秋七月公如晉

十一年春王三月公至自晉

十三年三月公如京師五月公自京師遂會晉侯齊侯宋公衛侯鄭伯曹伯邾人滕人伐秦

秋七月公至自伐秦

十五年三月癸丑公會晉侯衛侯鄭伯曹伯宋世子成齊國佐邾人同盟于戚

公至自會

十六年秋公會晉侯齊侯衛侯宋華元邾人于沙隨不見公

公至自會

公會尹子晉侯齊國佐邾人伐鄭

十二月公至自會

十七年夏公會尹子單子晉侯齊侯宋公衛侯曹伯邾人伐鄭六月乙酉同盟于柯陵

秋公至自會

冬公會單子晉侯宋公衛侯曹伯齊人邾人伐鄭  
十有一月公至自伐鄭

十八年春王正月公如晉

夏公至自晉

襄三年春公如晉

四月公至自晉

六月公會單子晉侯宋公衛侯鄭伯莒子邾子齊  
世子光已未同盟于雞澤

秋公至自會

四年冬公如晉

五年春公至自晉

五年秋公會晉侯宋公陳侯衛侯鄭伯曹伯莒子

邾子滕子薛伯齊世子光吳人鄆人于戚

公至自會

冬公會晉侯宋公衛侯鄭伯曹伯齊世子光救陳  
十二月公至自救陳

八年春王正月公如晉夏季孫宿會晉侯鄭伯齊  
人宋人衛人邾人于邢丘

公至自晉

十年春公會晉侯宋公衛侯曹伯莒子邾子滕子



薛伯杞伯小邾子齊世子光會吳于柤五月甲午  
遂滅偃陽

公至自會

秋公會晉侯宋公衛侯曹伯莒子邾子齊世子光  
滕子薛伯杞伯小邾子伐鄭

冬公至自伐鄭

十一年夏公會晉侯宋公衛侯曹伯齊世子光莒  
子邾子滕子薛伯杞伯小邾子伐鄭秋七月同盟

于亳城北

公至自伐鄭

公會晉侯宋公衛侯曹伯齊世子光莒子邾子滕  
子薛伯杞伯小邾子伐鄭會于蕭魚

公至自會

十二年冬公如晉

十三年春公至自晉

十六年三月公會晉侯宋公衛侯鄭伯曹伯莒子

邾子薛伯杞伯小邾子于溴梁戊寅大夫盟

夏公至自會

十八年冬十月公會晉侯宋公衛侯鄭伯曹伯莒子邾子滕子薛伯杞伯小邾子同圍齊

十九年春王正月諸侯盟于祝柯

公至自伐齊

二十年夏六月庚申公會晉侯齊侯宋公衛侯鄭伯曹伯莒子邾子滕子薛伯杞伯小邾子盟于澶

淵

秋公至自會

二十一年春王正月公如晉

夏公至自晉

冬十月公會晉侯齊侯宋公衛侯鄭伯曹伯莒子

邾子于商任

二十二年春王正月公至自會

二十二年冬公會晉侯齊侯宋公衛侯鄭伯曹伯

莒子邾子薛伯杞伯小邾子于沙隨

公至自會

二十四年八月公會晉侯宋公衛侯鄭伯曹伯莒子邾子滕子薛伯杞伯小邾子于夷儀

冬公至自會

二十五年五月公會晉侯宋公衛侯鄭伯曹伯莒子邾子滕子薛伯杞伯小邾子于夷儀秋八月己巳諸侯同盟于重丘

公至自會

二十八年十一月公如楚

二十九年王正月公在楚

夏五月公至自楚

昭二年冬公如晉至河乃復

五年春王正月公如晉

秋七月公至自晉

七年三月公如楚

九年公至自楚

十二年夏公如晉至河乃復

十三年秋公會劉子晉侯齊侯宋公衛侯鄭伯曹  
伯莒子邾子滕子薛伯杞伯小邾子于平丘八月  
甲戌同盟于平丘公不與盟

公至自會

冬十月公如晉至河乃復

十五年冬公如晉

十六年夏公至自晉

二十一年冬公如晉至河乃復

二十三年冬公如晉至河有疾乃復

二十五年九月公孫于齊次于陽州十二月齊侯  
取鄆

二十六年三月公至自齊居于鄆

秋公會齊侯莒子邾子杞伯盟于鄆陵

公至自會居于鄆



二十七年春公如齊

公至自齊居于鄆

冬十月公如齊

公至自齊居于鄆

二十八年三月公如晉次于乾侯

二十九年春公至自乾侯居于鄆

二十九年春公如晉次于乾侯冬十月鄆潰

三十年正月公在乾侯

三十一年春王正月公在乾侯

三十二年春王正月公在乾侯

定三年春王正月公如晉至河乃復

四年三月公會劉子晉侯宋公蔡侯衛侯陳侯鄭

伯許男曹伯莒子邾子頤子胡子滕子薛伯杞伯

小邾子齊國夏于召陵侵楚五月公及諸侯盟于

臯鼫

秋七月公至自會

六年二月公侵鄭

公至自侵鄭

八年春王正月公侵齊

公至自侵齊

二月公侵齊

三月公至自侵齊

夏公會晉侯于瓦

公至自瓦

十年夏公會齊侯于夾谷

公至自夾谷

十二年冬十月癸亥公會齊侯盟于黃

十一月公至自黃

十二月公圍成

公至自圍成

十四年五月公會齊侯衛侯于牽

公至自會

哀十年二月公會吳伐齊

五月公至自伐齊

十三年夏公會晉侯及吳子于黃池

秋公至自會

夫人

公及如一見公如門聘至三見昏門

莊五年夏夫人姜氏如齊師

十五年夏夫人姜氏如齊

十九年秋夫人姜氏如莒

二十年春王二月夫人姜氏如莒

文九年春夫人姜氏如齊

三月夫人姜氏至自齊

內大夫

如葵十二  
如盟四

如結昏五  
各見本門  
如乙師

莊二十五年冬公子友如陳

三十二年冬公子慶父如齊

僖五年夏公孫茲如牟

七年秋公子友如齊

十三年冬公子友如齊

二十八年秋公子遂如齊

三十年冬公子遂如京師遂如晉

三十一年春公子遂如晉

文元年夏叔孫得臣如京師

冬公孫敖如齊

五年夏公孫敖如晉

六年夏季孫行父如陳

秋季孫行父如晉

十一年秋公子遂如宋

十五年夏季孫行父如晉

秋季孫行父如晉

十七年冬公子遂如齊

十八年秋公子遂叔孫得臣如齊

十月季孫行父如齊

宣元年夏季孫行父如齊



公子遂如齊

八年夏六月公子遂如齊至黃乃復辛巳卒于垂

九年夏仲孫蔑如京師

十年秋季孫行父如齊

冬公孫歸父如齊

十八年七月公孫歸父如晉

冬十月公薨歸父還自晉至筮遂奔齊

成五年正月仲孫蔑如宋

六年六月公孫嬰齊如晉

冬季孫行父如晉

八年春公孫嬰齊如莒

十一年夏季孫行父如晉

秋叔孫僑如如齊

襄二年秋七月叔孫豹如宋

四年夏季孫豹如晉

五年夏季孫豹鄆世子巫如晉

六年冬叔孫豹如邾季孫宿如晉

七年秋季孫宿如衛

九年夏季孫宿如晉

十六年冬叔孫豹如晉

十九年春季孫宿如晉

二十年秋叔老如齊

冬十月季孫宿如宋

二十四年春叔孫豹如晉

冬叔孫豹如京師

二十八年八月仲孫羯如晉

二十九年冬仲孫羯如晉

昭二年夏叔弓如晉

冬季孫叔如晉

六年夏季孫宿如晉

冬叔弓如楚

八年夏叔弓如晉

九年秋仲孫矍如齊

十三年晉人執季孫意如以歸

十四年春意如至自晉

二十三年叔孫婼如晉晉人執我行人叔孫婼

二十四年春婼至自晉

二十五年春叔孫婼如宋

定六年夏季孫斯仲孫何忌如晉

十年冬叔孫州仇如齊

外

如會如師四見會盟二門  
與內大夫如一見上

桓五年夏齊侯鄭伯如紀

冬州公如曹

六年正月實來

文十四年冬單伯如齊齊人執單伯

十五年六月單伯至自齊

左氏曰凡公行告于廟及行飲至舍爵策勲焉禮也公行之禮雖不槩見然卿大夫受命以出則釋幣於禘比

其反也釋奠于禩席於阼階與其室老及從行者獻酬而出上介亦如之以使介之出如此則公行告廟飲至之禮宜亦當然其或自外來者雖非出而亦以其至告廟且飲其從至者故亦書至焉穀梁謂致君者殆其往而喜具反此主自內出者言之可也其或以前事至或以後事至或以地至則告有異同事有大小各因其實以示義耳其曰惡事不致會夷狄不致離會不致桓會不致於經無所攷之然公居於外而亦書如至者以君出

載禮而行覲禮謂侯氏裨冕釋幣於禰是也內大夫出而不書至惟執則至焉蓋君遣使於外則亦告其事於廟已事而反則無所用告若為外所執則宗廟與有辱焉其反也告之所以安祖考也凡魯公出朝卿出聘皆曰如自我往者書其始則以未成事言之其朝於王所則曰朝自外告者書其終則以既成事言之若其以成事行則又但正名其事而已矣

春秋五禮例宗卷九



欽定四庫全書

春秋五禮例宗卷十

宋 張大亨 撰

嘉禮

昏

王娶

桓八年十月祭伯來遂逆王后于紀

九年春紀季姜歸于京師

襄十五年二月劉夏逆王后于齊

娶王女

莊元年夏單伯送王姬

秋築王姬之館于外

冬王姬歸于齊

十一年冬王姬歸于齊

內娶

桓三年七月公子翬如齊逆女

九月齊侯送姜氏于謹公會齊侯于謹

夫人姜氏至自齊

莊二十二年冬公如齊納幣

二十四年公如齊逆女

秋公至自齊

八月丁丑夫人姜氏入

戊寅大夫宗婦覲用幣

文二年冬公子遂如齊納幣

四年夏逆婦姜于齊

十八年冬十月夫人姜氏歸于齊

宣元年正月公子遂如齊逆女

二月遂以夫人婦姜至自齊

成十四年秋叔孫僑如如齊逆女

九月僑如以夫人婦姜氏至自齊

娶內女

隱二年九月紀裂繻來逆女

冬十月伯姬歸于紀

莊十二年紀叔姬歸于鄆

十九年公子結媵陳人之婦于鄆

二十五年夏伯姬歸于杞

二十七年冬杞伯姬來

僖二十八年秋杞伯姬來

二十七年莒慶來逆叔姬

僖十四年夏季姬與鄆子遇于防鄆子來朝

十五年季姬歸于鄆

二十五年宋蕩伯姬來逆婦

三十一年杞伯姬來求婦

文十四年齊人執子叔姬

十五年齊人來歸子叔姬

宣五年九月齊高固來逆叔姬

冬齊高固及子叔姬來

十六年鄭伯姬來歸

成五年杞叔姬來歸

八年夏宋公使公孫壽來納幣

十月衛人來媵

九年二月伯姬歸于宋

夏季孫行父如宋致女晉人來媵

十年五月齊人來媵

內女來朝

僖五年春杞伯姬來朝其子

傳曰女子許嫁笄而字禮之稱字則字尊于稱女也公女許嫁則視公子嫁于諸侯則視諸侯諸侯來逆則曰女而不稱字者未敢以具尊當君也既至其國則夫人矣夫人來歸則稱字而不曰夫人者父母之國詞也天子之后則命之斯成其尊矣不成其尊不足以匹至尊也諸侯之娶於諸侯敵也敵則嫌於相當天子之娶於諸侯降也降則嫌於非匹故天子之逆則稱后諸侯之逆則稱女若乃大夫自逆于公則女稱字焉以其下嫁



故得申其尊也昏禮有五而獨書納幣者舉其重者也  
蓋禮于納采曰有惠於問名曰有命於納吉曰有貺於  
問期曰有賜而於納徵獨曰重禮則五禮之中此為重  
也穀梁曰納幣使大夫正也逆女親者也攷於禮凡使  
者反必反命曰既得將事則納幣當使人孔子曰寃而  
親迎則逆女當親之然天子諸侯有邦國之事或不得  
親則使卿為正士昏禮曰若不親迎則婦入三月而婿  
見於主人然則士有故且或不親而况人君乎詩刺不

親迎言其常也經書卿逆言其故也婦人謂嫁曰歸女以男為家者也魯夫人歸寧曰如某出曰歸于某魯女歸寧曰來出曰來歸魯夫人之出與魯女之嫁者同辭皆自內往而彼為主之稱也魯女之出與外之以物至者同辭皆自外來而我為主之稱也其曰如某則與公如同義

生

桓六年九月丁卯子同生

歸賑

定十四年天王使石尚來歸賑

享

莊四年春王二月夫人姜氏享齊侯于祝丘

肆青

附

莊二十二年春王正月肆大青

春秋五禮例宗卷十